

Herremättli-Clique 1986

Sujet:

Adie Fasnacht Guete Dag Carneval!

Es mergge's Goofe, Maa und Frau:
Wo Aengpäss sin, git's gärn e Stau!
Wo Zivilischte, Clique, Gugge
als Masse zmitts dur Basel drugge,
dert schtoggt dr Abfluss und d' Verdauig.
Däm sait dr Bebbi schtooisch "Schtauig".

E Druggete, e rächts Schlamassel,
ghert aifach zu dr Fasnacht z'Basel .
So kasch die Zircher, won is hemme,
feyn zwische Tschingg- und Türgge glemme,
so kasch die groosse Schnere dämme
und 's Usland bhalt sch als Prässkopf zämme.

Solang mir - dailwys zimlig Alte -
uff d'Basler Fasnacht Ruggschau halte,
het unsre Cortège naime gschtoggt,
was heggschtens d'Militärkepf blogt,
denn numme die, wo Krieg mänätsche,
wänn nach Kommando vorwärtsbrätsche.

Dr Reagan, d'Brite (samt de Schwoobe)
wänn neierdings im Wältruum oobe
schynts dr Rageete-Cortège längge.
Doch ka sich au e Dilldapp dängge:
Wenn's dert e Stau git, haglet's Fätze,
denn bruuchsch vom Fasnachts - Stau nimm schwätze!

Und drotzdäm findet 's Comitee,
me miess jetzt - ohni Stau - persee
und taggschrittmässig à la Preusse
das Defilee dur d'City schleuse,
denn Lörrach sait: "Ihr lahme Niete!
Da kann uns Mainz vyl schneller's biete!"

Doo hän d' Verkehrsexpärte gschpuurt
und zaggigharti Regle gmuurt:
Jetzt starte d'Clique, sträng nach Lischte,
in Staffelwälle ab uff d'Pischte;
wirsch Uff dr Gass kai Stau meh finde,
jetzt staut sich alles in de Pinte.

Jetzt haisst's denn gly, in jedem Fall:
Tschau Fasnacht, hellau Karneval!
Dr Umzug haut's im Taggt – perfäggt -
's git Nummeregirl, Programm, Prospäggt,
e Prinzepaar in Brachtsklamotte -
und 's Drummle wird denn glatt verbotte.

Denn wärde d'Gugge sich vermehre,
denn wirsch kai Baseldytsch meh here,
statt drummle darfsch denn blooss no gleggle
und statt pausiere muesch denn seggle,
's wird blooss no Tschinggetürggtamileschwöbisch gee
und Wumbawumbawumbawumba teteree!

Wenn d' denn systemschtyrt kasch dur d'Altstadt bloche,
darfsch au d'Frau Fasnacht grad im Rhy verloche.
Voll Limmatwasser trybt sy abwärts - us em Stau -
nach Köln und Mainz, alaaf narrhall hellau.
Dert ufferschoht sy zytlig g'reglet und formal
als Säggilyttfasnachtskameval!

Die, wo dä Stau computermässig wänn entwirre,
hän - ganz beschaide gsait - e Staudamm in dr Bire.
Naturereignis - und dr Lauf vo Gämse -
kaa so ne Schrybtisch-Muni sicher niemools brämse,
drum leend d'Frau Fasnacht staue - oder laufe -
und tiend mit eyrem Gschyys kai Mumm abkaufe.

An die, wo unsere Cortège regle wänn:
Wenn Sy am Zyschdig an d'Ladärnenusschtellig gehn,
goht Ene vyllicht aini Uff!